



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 42. Quid circa Vicarios sit notandum.

urn:nbn:de:hbz:466:1-42600

nec potest esse titulus Ordinationis, etiam si collator peteret aliquem desuper ordinari, cum non sit beneficium, & Capellanus semper liberè amoveri possit: è contrà Capellaniæ Ecclesiasticæ, quæ solent solis Clericis 14. annorum conferri, quando perpetuæ sunt, habentque sufficientes proventus, possunt esse titulus Ordinationis.

237 §. IV. Si fundator noluerit, Ordinarius non debet visitare Capellaniam tam Ecclesiasticam quam laicam; si tamen de hoc nulla mentio est facta, Ordinarius poterit visitare utramque, quamvis visitatio esset etiam alicui alteri commissa, quia est opus pium, à cujus inspectione non ideo excluditur Ordinarius, quòd etiam alius designetur inspector, cum id jure suo competat Ordinario.

238 §. V. Capellanus laicus non tenetur ad subsidium, quod sæpe imponitur super proventus Ecclesiasticos, non enim habet beneficium Ecclesiasticum. Hæc aliaque plura de Capellanis videri possunt apud AA. citatos & apud *Leur. p. 1. q. 85. & seqq.*

239 Q. 42. *Quid circa Vicarias sit notandum. R. Seqq.*

§. I. Vicaria dicitur à vices gerendo, estque constitutio alicujus ad gerendum officium beneficiale alterius. Quòd si constituatur tantum ad tempus aut ad beneplacitum constituentis, dicitur Vicaria temporalis; si constituatur auctoritate Ordinarii in perpetuum, maximè pro cura simul administranda, dicitur perpetua, & ei deserviens dicitur Vicarius perpetuus, & sæpe vocatur etiam Rector, non quidem Ecclesiæ, sed curæ animarum, *Barb. de jure Eccl. l. 3. c. 6. n. 26. Lott. l. 1. q. 33. n. 110.* Dantur tamen etiam Vicariæ non curatæ; quæ autem in Ecclesiis parochialibus sunt perpetuæ & curatæ, requirunt Sacerdotium ac eandem ætatem, uti alia be-

beneficia parochialia, uti habetur in Clementinis l. 1. c. 7., attamen non necessarid conferuntur per concursum, *Nicol. t. I. d. 17. §. 4. 14. 15.* Unde autem colligatur, an sit Vicaria, explicat §. 20.

§. II. Vicaria perpetua est beneficium, Cap. *Po-* 240
stulasti, de rescriptis: temporalis, non est beneficium, *Barb. n. 58.*, posset tamen in visitatione erigi in beneficium vocatis & auditis illis, ad quos spectant Ecclesie unitæ vel beneficia, in quibus constituitur Vicaria, hi enim retinent jus nominandi, *Garc. p. 9. c. 2. n. 294. Barb. n. 45.* Potest etiam Ordinarius in visitatione ex justa causa constituere Vicarium perpetuum in parochiali unita Capitulo alicui vel Monasterio Regularium non Mendicantium, *Corr. l. 3. c. 9. à n. 6. Barb. à n. 9.* An autem ad ista requiratur etiam Patroni consensus, videri potest *Laym. ad cap. 3. De off. Vicarii n. 3.* Debet autem constituendus in Ecclesia regulari esse Regularis, nisi in unione aliter sit expressum vel longissimo tempore fuerit secularis, *Laym. supra: semel autem constitutus Vicarius perpetuus, hoc ipso amoveri non potest, etiamsi Rector principalis moriatur, Corr. n. 3. Lott. l. 3. q. 27. n. 171. Barb. n. 47.*

§ III. Vicarius perpetuus potest sibi alium substi- 241
tuere ad unam aut alteram hebdomadam, quia curam & jurisdictionem Ordinariam habet, *Az. Castrop. t. 13. d. 1. p. 8.* Addit *Laym. ad c. 4. supra, etiam ad duos menses, si raro fiat: Vicarius tamen temporalis id non potest, nisi de licentia saltem tacita Ordinarii, quæ ex consuetudine censetur adesse; ex qua potest etiam sibi adungere alium cooperatorem, Laym. in Th. Mor. l. 5. c. 6. c. 10. n. 13. Castrop. n. 4.* Et posse etiam temporalem ad universitatem causarum constitutum, pro assistentia Matrimonii vices suas alteri delegare, putat *Sanch. de Matr. l. 3. d. 31. à n. 13.*

242 §. IV. Portio congrua Vicario assignanda, secundum Const. Pii V. non debet esse major 100, nec minor 50. scutis annuis, computatis omnibus incertis emolumentis & aliis obventionibus, uti pluribus explicat *Luca* ad Trid. d. 9. à n. 8., & de Parochis d. 19. n. 3. & d. 20. à n. 7. *Barb.* à n. 44.; an autem jus habeat ad distributiones, & ad quæ emolumenta, explicat *Luca* de Parochis d. 17. à n. 6.

243 §. V. Vicarius temporalis non tenetur ratione Vicariæ ad horas; tenetur tamen sæpe aliunde, uti refert *Barb.* de jure Eccl. l. 3. c. 6. n. 62. An autem quandoque teneatur ad subsidium charitativum, videri potest *Leur.* p. 1. q. 138., ubi etiam à q. 108. habet de hactenus dictis & aliis huc spectantibus.

Q. 43. Quid de Vicariatu Episcopi sit notandum. R. Seqq.

244 §. I. Vicarius Episcopi in genere est duplex, specialis & generalis: specialis est, qui pro certis tantum locis in diocesi vices Episcopi agit, & est v. g. Archidiaconus, qui etiam dicitur Vicarius natus, quia ex officio, independenter à denominatione Episcopi, habet aliqua gerenda; talis etiam est Vicarius foraneus, qui foris, sive extra urbem, quam Episcopus inhabitat, pro certis Parochiis constituitur ad aliqua gerenda. Vicarius generalis est, qui pro tota diocesi constituitur ad aliqua vice Episcopi gerenda.

245 §. II. Vicarius generalis, alius est in Pontificalibus, qui ordinariè dicitur Suffraganeus; alius in spiritualibus, qui ordinariè venit nomine Vicarii; alius in contentiosis, qui dicitur Officialis, estque præses iudicii Ecclesiastici.

246 §. III. Cum Suffraganei sæpe sint Vicarii simul, aut in quibusdam locis non sint Suffraganei sed soli Vicarii, quandoq; etiam Episcopi aliqua specialia demandant